

tur: *Sermo cancellarij ad clericos. Job. Gersonem* designari vix dubium est. Thema praefixum illud *Apoc. 2. Vincenti dabo edere de ligno &c.* Acris investiva in Cleri mores. Ita, postquam electiones sui temporis non *canonicas* sed *caninas* dixisset, infert: *Canes dum nihil habent inter se ad diuidendum pacifici sunt si autem proiciantur inter eos ossa statim oblatrant et se ad inuicem dilaniant. sic canonici quando non uacat ecclesia pacifici sunt. sed uacante canes sunt accusat alter alterum &c.* Executiat, cui uacat, Editionem *Gersonis*, dictam *Dupinii*; mihi quidem *Sermo* nondum editus uidetur.

CCC. VII. g. 21.

569 Codex membranaceus lat. Sec. XII. Folior. 169. 4. fat bene scriptus et rubricis distinctus Συτάγμα quoddam offert Theologicum e Sacris Literis et Dictis PP. praecipue *Origenis*, *Cypriani*, *Job. Chrysostomi*, *Ambrosii*, *Hieronimi*, *Augustini*, *Cassiodori*, *Gregorii M.*, *Isidori*, *Bedae*, *Alcuini*, *Haymonis* conflatum. Praefixit illi Compiler ignotus tres illos *Prologos*, quos *Zacharias Chrysopolitanus Concordiae* suae *Evangelicae* a nobis *Codd. CVI.* et *CVII.* relatae praemisit, quorum unica in *Codice* inscriptio: *De excellentia quatuor euangeliorum edita a patribus.* Correctius hic eos exaratos, quam quidem in *Bibl. PP. Lugdun. T. XIX.* p. 732. editos manifestus

sub ipsum initium error declarat; pro edito enim: *intensione*, *sive*, rescribendum e *Nostro: intentione, sine.* Ne vero quis ex his *Prologis* illico concludat Opus ipsum ad *Zachariam* referendum esse, obstat illud, quod *Prologi* nullum omnino cum Opere nexum habeant, et quod Compiler per decursum bis inter alios Autores ad *Zachariam* provocet, ut suo loco dicetur. *Prologos* porro excipit *Nota* de Anima Christi unita Divinitati, in qua: *Multi ergo asserunt. ut alcximus in libro de trinitate ad karolum. animam christi tantam scientiam de omnibus habere. quantam diuinitas ipsa habet. — Aliis uero non uideatur &c.* et mox totius Compilationis Οικονομία, quam adscribo: *Prima Pars continet de Patre et Filio. de angelis. de adam. de fide antiquorum. de prophetis. de apostolis. Secunda de intellectu scripturarum. de diapsalmate. de obelo et asterisco. de diuitibus. Tercia de sacrificiis paganorum et nostris. de baptismo. de uiuentibus ex oblationibus. Quarta de incommodis que propter peccata eueniunt. de ipsis peccatis. de iuribus iurandis. de testimoniis. mendaciis. furtis. negotiationibus. de auaricia. usura. que liceant. que non. de honesto. et inhonesto opere. De confessione. de remissione. de quibusdam mundanis. Quinta de potestate ligandi et soluendi. de pastoribus. et doctoribus. de ordinatione. de doctrina domestica. de hereticis. de excommunicatione. qui tolerandi sint. qui non. de synagoga et hebreis. de ecclesia*

1179

I C O D I C E S

1180

*ecclesia et ecclesiasticis. Sexta de cruce. de tempore paschali. de orationibus. de elemosinis. de milicia. de dominis et seruis. de matrimonio. qui apostoli habuerint uxores. Septima de restauratione angelorum et hominum. de diabolo. de anticristo. de ultimo iudicio. de resurrectione. de gehenna. de igne ante iudicium et post. Initium Partis I. Hier. Pater iste familias homo dicitur similitudine non ueritate &c. Partis VII. finis: Nec hoc in episcoporum tantum et sacerdotum. sed in diaconorum ordinationibus obseruasse apostolos. animaduertimus in actibus apostolorum. Et: Scribenti Salus. Legenti Vita Eterna. Amen. Explicit. Quae a fol. 136. p. 2. sequuntur, instar Adpendicis haberi possunt, ordine non magis concinno, quam in ipso Opere. Ita ini-*

tium statim fit a loco *Zachariae suprad. de Dimissione Uxoribus, qui legitur Concord. Evangel. L. III. c. 100. Bibl. Patr. cit. p. 847. Succedit locus Augustini de S. Trinitate &c.*

*Fol. 154. p. 2. rursus legas: De Sacramento Corporis et Sanguinis in Concordia Euangelior. Aug. Zacharias. Excerptum istud incipit: Nunc gratia tanti sacramenti. quod per excellentiam dicitur eucharistia &c. et legitur Concord. cit. L. IV. c. 156. Bibl. Patr. Lugd. p. 914. Succedunt ei diuersa PP. loca, dum concludatur: Omnibus ergo clericis laicis et in diuersis huius mundi dignationibus constitutis sobrietatem cum bonis moribus suademus. Per christum dominum Nostrum. His adjecit Librarius:*

*Scriba petit codicis presentis lector ut omnis*

*Adiuuet hunc precibus uotis deus annuat huius.*

Dixi supra: e *Prologis* non illico Opus istud ad *Zachariam Chrysopol.* referendum esse. Interim non nego ad illum referri posse. Quo casu *Prologos* et *Adpendicem* in hoc *Codice* Posterior quispiam adscripserit, et *Zacharias* ipse Opere augebitur, quod nemo eorum, qui de eo tradidere, novit.

CCCI. VI. 3.

387 Codex membraneus lat. Sec. XII. Folior. 119. 4. egregie scriptus, rubricisque distinctus

continet Autoris mihi ignoti *Collectanea e Dictis PP. Conciliorumque Canonibus ad corrigendos*, ut ipse in Praef. ait, *uel ad instruendos mores humanos.* Incipit haec Praefatio: *Hec pauca Beatitudo uestra gratissime queso excipiat deflorata. que non ex uno unius doctoris prato diuinae auctoritatis studii decerpere. sed per multorum patrum florigeram rura cordis et corporis ceruice summissa. studiosè succintim celeriterque ut iussio sanctitatis uestrae extitit cucurri. et ex his vos odoriferos domino largiente. prout potui flores excerpsti.*